

皇朝大政紀卷二

世祖章皇帝順治元年冬

大兵定太原日下有五色雲見

順治二年加稱

孔子大成至聖文宣王先師定列中祀

順治九年

詔頒六諭并卧碑文八條於各直省府州縣學校施行

順治十六年議准設立鄉約申明

六諭嚴飭各地方牧民官實行講究開導愚民不得視爲故事

順治十七年奉

旨改稱孔子至聖先師

聖祖仁皇帝康熙元年大赦

康熙六年議准奉

旨設立孟壽營駐劄孟縣

康熙九年

御製聖諭十六條頒行天下

康熙二十五年頒行

御製至聖先師孔子贊并序

康熙二十六年

欽修聖廟禮制樂器令天下學官擇鄉俊秀習佾舞

康熙二十八年頒行

御製顏曾思孟四大賢贊

康熙二十九年

詔凡官民人等經過聖廟前下馬並禁在學宮內放馬畜作踐

康熙三十四年因地震發

帑散賑房屋壞者每間給修葺銀一兩

康熙三十六年春饑邑令蔡璜賑救全活頗多時

鑾輅西巡撫臣上其事奉

旨軫恤

康熙三十七年奉

旨蠲免通省二年錢糧秋大稔

康熙四十一年

御製訓飭士子文頒行學校是年

鑾輅西巡推

恩下逮

御書唐詩賜知縣臣俞欽云欲向江東去定將誰舉杯稽山無

賀老卻掉酒船回

康熙四十四年奉

旨樂平營改隸孟壽營

康熙五十一年

恩詔蠲免通省地丁錢糧并節年舊欠有差

世宗憲皇帝雍正元年大赦奉

旨冊封孔子先世五代王爵

雍正二年頒發

聖諭廣訓萬言行文各省督撫令飭教官選生員有品行文學者闡發宣講毋得虛應故事

雍正三年奉

諭旨孟縣改屬平定州升爲大學

雍正五年

詔至聖先師誕辰八月二十七日各官致齋一日不理刑名禁

止屠宰永著爲令并額設府州縣學二丁致祭文舞生
三十六名 是年邑人劉燦任汀漳道與知府耿互許
奉

旨朕看劉燦爲人粗鹵不識大體則有之若貪贓枉法之事朕
可信其必無聞伊到任後揭報屬員虧空被人將伊揭
帖藏匿伊心憤激於眾人前以首觸牆卽具詳辭官因
士民多人環繞攀留而止今毛文銓所叅道府互許一
案其過自在耿魏耿某深負朕恩甚屬可惡著同魏某
解任質審劉燦著仍在任質審俱交與楊文乾常資審
明定擬具奏該部知道欽此

雍正七年以山西連歲豐登

特詔免通省庚午年地丁銀四十萬兩以示獎勵冬十一月又以民人踴躍急公辦駱駝鞍屨不勞而集頒

恩詔蠲免通省辛亥年地丁銀二十萬兩

雍正八年

詔天下府州縣衛學每歲春秋二丁祀孔子以太牢禮

高宗純皇帝乾隆元年大赦

乾隆六年

詔頒釋奠樂章於學校

乾隆十年奉

五果元卷二
恩詔普免天下錢糧一次山西孟縣以十三年輸免

乾隆十一年九月

鑾輅西巡奉

上諭朕臨幸五臺觀風問俗蓋欲周知閭閻利病舉登之衽席之安也山西地方風俗尙爲醇樸朕此次巡行親見民情頗屬甯輯但敦龐之質在民而教養之責在上尤當加意拊循化導俾登上理撫臣爲通省之表率藩臬爲師帥之大員府州縣等皆有父母斯民之責其各仰體朕心力行實政教養兼施惟日孜孜罔或怠佚而在小民亦應敦行孝弟崇尚禮讓共爲良民毋蹈澆漓獷悍

之風以成熙皞盈甯之治朕實有厚望焉欽此山西撫

臣遵照

諭旨行縣知縣臣轉行傳諭接

駕生員于錦雲趙良監生張儒標武禔錫等口樸勤勞已動
天鑒擬合給匾獎賞以厚風俗俟後務宜欽遵
諭旨益加敦龐式俗型方無負厚望

乾隆十三年

欽定文廟祭器頒行學校

乾隆三十五年奉

恩詔普免天下錢糧一次山西孟縣以三十七年輪免

五鼎元卷二
乾隆四十一年平定金川奉

恩詔大赦

乾隆四十二年欽惟

皇上展孝揚

徽推

慈錫類恭逢

恩詔大赦又普免天下錢糧一次山西孟縣以四十五年輪免
乾隆四十五年恭逢

皇上七旬萬壽頒

恩大赦

乾隆四十六年三月

皇上駕幸五臺秋大稔麥多雨岐

仁宗睿皇帝嘉慶元年大赦

嘉慶十六年

鑾駕西巡

駐蹕臺山

嘉惠士林特行

召試閏三月初四日內閣奉

上諭本日召試山西及各省迎鑾士子就其文義高下分別錄
取所有列在一等之田賀年著賞給舉人一體會試以

示朕省方設教樂育人材至意欽此

宣宗成皇帝道光元年大赦

道光二年巡撫部院

臣

葉爲丁徭銀具奏奉

旨准歸地糧徵收

道光七年翰林院侍講學士

臣

邑人田嵩年扈從

皇上南苑大閱禮成

御官門賜宴卽席恭和

御製元韻士卒歡呼動

鳳城拜

恩稠疊習儀成

握機親授黃農法

錫宴重申帶礪盟列宿依光欽

北極膳膏升獻陋東京敬勤莫負

君王意旣醉還須詠太平

文宗顯皇帝咸豐元年大赦

咸豐七年巡撫部院

臣

英桂奏奉

諭旨飭壽陽縣守備移駐平定州城立爲平定營卽以孟縣西
煙汎原設把總一員改駐壽陽以壽陽城守外委改駐
西煙汎俱歸孟壽營統轄以符營制其新添兵丁按北
鎮裁兵節省米豆折銀赴司請領支給在案

穆宗毅皇帝同治元年大赦

同治二年禮部尙書

臣

倭什琿布大學士銜尙書

臣

祁

寯藻議奏

文廟祀典次序擬將原定從祀與續經增祀之儒各就時代按其生平一東一西以次排列庶無凌躐之弊奉

旨依議欽此

同治八年據知縣

臣

張士霖爲步禱

晉卿文子神祠甘霖響應具文請奏等因

敕賜翊化封典以昭崇報

皇上御極光緒元年大赦

光緒四年因連歲荒歉

詔豁免上忙地丁錢糧並節年舊欠一律蠲免兼

飭該縣開發倉穀九千八百四十九石零散給貧民仍陸續撥給漕糧二千二百石以爲賑濟之資

光緒五年爵撫部院

臣

曾國荃因旱奉請

諸龍神

翊化神於省垣虔禱靈應得霈甘霖恭摺題請

封典蒙

允敕賜諸龍神敷澤封號

敕加翊化神福佑封號以昭功德而崇顯報

五鼎志卷二

卧碑文 順治九年

朝廷建立學校選取生員免其丁糧厚以廩膳設學院學道
學官以教之各衙門官以禮相待全要養成賢才以供朝廷
之用諸生皆當上報國恩下立人品所有教條開列於後
一生員之家父母賢智者子當受教父母愚魯或有非爲者
子既讀書明理當再三懇告不使父母陷於危亡

一生員立志當學爲忠臣清官書史所載忠清事蹟務須互
相講究凡利國愛民之事更宜留心

一生員居心忠厚正直讀書方有實用出仕必作良吏若心
術邪刻讀書必無成就爲官必取禍患行害人之事者往往